

cken geschicht) solcher Ursachen/ vnd also wegen ihres Ampts/ an-
 der G H nennen. Aber wie dem/ vnd weil wie angeregt/ ein solches
 nur vnderweiln/ vnd demnach nicht allemal geschicht/ damit dann
 auch fernere irrung vermieden werden/ so wollen wir sie durch auß
 die lineam L M seyn lassen. Du solt aber zu mehrer nachrichtung
 dieses wissen/ wann diese Linie L M neben die Linie G H, furz ange-
 deuter massen gezogen würd/ jedoch/ welches zu mercken/nach gefal-
 len/ das ist/ so fern darvon als einem beliebet/ daß sie alsdann die an-
 der G H wol möchte genennet werden/ inmassen dann auch alsdann
 der durchschnitt beyder Linien I K vnd L M allererst einen Puncten
 macht / genant Punct r. Wann aber dieser Punct r zuforderst Punct. r in P.
 nach der Kunst/ in der Linie I K gefunden / vnd nach erfindung des-
 sen allererst die Linie L M, gerad durch solchen (zu forderst nach der
 Kunst erfundenen) Puncten r, vnd also nit nach gefallen/ (wie dro-
 ben gemelt) gezogen würdt/ alsdann ist sie eygentlich die Linie L M
 auß ihren sonderbaren Ursachen erforschet. Doch/ wie gesagt/ so
 soll auß angezogenen Ursachen / so wol in einem als andern fall sie
 vns L M heissen vnd bleiben.

Die Linie N O wird (wie ebenmessig gemelt) gezogen gerecht Lin. N O, in
 Creuzweise durch die Linie I K, jedoch auch nimmer nach gefallen/ P.
 sondern gerad durch einen in derselbigen zu forderst erforschten vnd
 gestochenen Puncten genant W, vnd werden auff diese Linie N O, Punct. W in
 do es also erfordert wird/ die andern gegenstund Puncten/ damit ich P.
 sie also nenne / jedoch auß dem Grundt R, darvon drunden im 6.
 Cap. gehandelt werden soll/ getragen vnd gestochen. Vnd so viel von
 den Linien.

Die Puncten aber / so in obgedachtem Grund P, zu angeregt Puncten in
 tem end gestochen werden müssen / betreffend / seyn dero/ gleichwol gemein in P.
 den Creuzpuncten a oberrühret / dißmaln nit mitgerechnet/ an der
 Zahl zwölff / als nemlich A/ B/ C/ d, e, f, g, o, r, w, x, α. Dieser
 Puncten Ampt vnd Gelegenheit gleichermassen in etwas anzuzei-
 gen.

B iij

gen.